

Аллохга таваккал!

«وَمَنْ يَتَوَكَّلْ عَلَى اللَّهِ فَهُوَ حَسْبُهُ»

«...Ким Аллохга таваккал килса, бас, (Аллохнинг) Ўзи унга Етарлидир...»

(Талок сураси: 3)

Бисмиллахи рохмани рохим

Аллох таолога чексиз хамду санолар, Унинг пайгамбари Мухаммад, ахли байти, сахобалари хамда тобиинларга кўпдан-кўп дурудду салавоотлар бўлсин!

Кейин...

«Аллохга таваккал килдим».

• Аввало ушбу калиманинг маъноси:

Ушбу калимани кўпчилик айтади. Уни тил билан айтилсада аслида у калб амалларидандир. Баъзилар тонгда, баъзилар окшом айтади. Умуман олганда хамма хар хил холатда айтади. Бирок, бу сермазмун калиманинг маъносини озчилик тушунади. Мана шу тушунганлардан хам озчилиги уни оддийгина айтилинган сўзлик даражасидан, ўзи билан Аллох таолонинг ўртасидаги кучлик алока воситаси – узилмас ришта даражасига кўтара олади.

Таваккал ўзингни барча ишларингда Аллох таолога топширмогинг. У Аллох таолога ишонч ва Унинг кудрати, куввати ва илмига бўлган иймондир. Демак у комил суратда Аллох субханаху ва таолога суянишдир. Бунинг самараси эса, Аллох таолонинг баъзи исм ва сифатларига амалий равишдаги комил иймондир.

Шунинг учун хам Имом Ибн ал-Каййим айтадилар: «Таваккал диннинг ярми, иккинчи ярми эса, инобат — Аллохга кайтмоқ (икбол этмоқ) – Унга тавба килмоқдир. Зеро дин Аллохга ибодат, Унинг Ўзидангина ёрдам сўрашдир. Таваккал Аллохнинг Ўзидангина ёрдам сўраш, инобат эса ибодатдир». (Мадорижус-соликийннинг сайланмаси: 336-саҳифа) Демак, Аллох таолонинг Ўзидангина ёрдам сўрамогинг заифлигингни, (келажакни) билмаслигингни тан олмогинг хамда У Буюк Зотнинг илмига, кудратига иймон келтириб, Унга бўйин эгиб, Ундан куч-кувват талаб килиб, У Зотни яхши кўрмогинг – буларнинг хаммаси Аллох субханахуга холис килинган ибодатлар жумласидандир.

• **Юсуф сурасидаги «...Бас, Шайтон у (Юсуф алайхиссалом)дан ўз Роббиси (Аллох таоло)ни зикр килишни (ёдга олишни) унуттирди...» 42-оятнинг таҳкики.**

Ибн ал-Каййим ушбу оят тафсирида шундай дейдилар: "Албатта, Аллох таолонинг Юсуф алайхиссаломни бир-неча йил зиндонда қолиб кетишларига махкум этишлиги у зотнинг Аллох таолодан ёрдам сўрашдан аввал, ўзлари каби бир инсондан ёрдам талаб қилганликлари томонидан келди",— деган маънони қувватлайдилар. Юсуф алайхиссаломнинг ўзларидек бир инсондан ёрдам талаб қилганликлари зиндондан қутулишлиги гумон қилинган йигитга: "Мени роббинг(яъни, хожанг – подшоҳ) хузурида ёдга олгин!", деган сўзларида намоён бўлади. Аллох таолонинг: **«Бас, Шайтон у (Юсуф алайхиссалом)дан ўз Роббиси (Аллох таоло)ни зикр қилишни (ёдга олишни) унуттирди»** (ушбу маънони муфассирлардин Мужоҳид ва Мукотилдан ривоят қилинган), деган сўзининг шарҳи эса, "Шайтон Юсуф алайхиссаломни Хақикий, Буюк Роббисини зикр қилиб, Унинг Ўзидангина ёрдам талаб қилишини унуттирди. Натижада у зот ўзлари каби инсондан ёрдам талаб қилдилар. **«Бас, (Юсуф алайхиссалом) бир неча йил зиндонда қолиб қетдилар».**

Аллох субҳанаху ва таоло бандасининг Ўзидан бошқасидан ёрдам талаб қилишини асло қабул қилмайди. Зеро, Аллох таолодан ўзга зот ҳар қанча қуч ва қудрату салтанат ҳамда ҳисобсиз қуролли қучга эга бўлмасин, бари бир у ҳаракати, интилишлари, хоҳиш-истаклари Аллохнинг қудрати ва иродаси остида бўлган заиф бир бандалигича қолаверади.

• **Таваккалнинг ҳақикий – тўғри тушунчаси.**

Баъзилар таваккални нотўғри тушунадилар. Уларнинг гумонларича "таваккал" зоҳирий сабабларни ҳисобга олмаган ҳолда ўзни ўту-чўкка уришдир. Бу эса, тартиб-интизом билан яратилган ҳаёт қонунига зиддир. Зеро Аллох таоло бу дунёдаги барча ишларни тартиб-интизом ва зоҳирий сабабларга боғлиқ қилиб яратган.

Зоҳирий сабабларни ушлаш ҳақикий таваккалга зид эмас, балки у таваккалнинг шартларидандир. Сиз зоҳирий сабабларни ҳамма нарса шунга боғлиқ дейдиган даражада ушланг кейин Аллохга шундай таваккал қилингки ҳалиги сабабларнинг заррача аҳамияти қолмасин. Мисол қилиб айтадиган бўлсак: сайёрангиз билан сафарга чиқмоқчи бўлсангиз, сиз уни обдон текширасиз, мойига, хавосига қарайсиз шундай бўлсада сиз Аллохга, унинг хифзу-химоясига ҳамда тавфиқига муҳтож эканлигингизни ҳис қиласиз ва: Эй парвардигор,

мен сенинг рахаматингга, хифзу-химоянгга мухтожман ўзинг балоказолардан саклагин, Ўзингга таваккал килдим, деб йўлга тушасиз.

Бир киши кайсидир нарсани тижорат учун шартга олса, эй Аллох ўзингга таваккал килдим, Ўзинг хар ишга кодирсан деса, бу мўминнинг иши эмас. Мўмин бирор нарса билан тижорат килмокчи бўлса бозорни, нарх-навони ўрганади, канакаси кетади, канчага тушадию, канчада сотилади. Шундан кейингина Аллохга таваккал килиб ишни бошлайди. Бошка барча сохалар хам худди шу кабидир. Биз Аллох таолонинг Марям сурасидаги: *«(Мана шу куриб колган) хурмо шохини силкитгин, у сенга янги хурмо меваларини ташлар»* (Марям: 25),—деган, оятини ўкиб, унинг маъносига яхши эътибор берсак, ушбу хаёт зохирий сабабларга боглик холатда яратилган эканига яна бир бор амин бўламиз. Аллох таоло Биби Марямга хеч кандай зохирий сабабсиз ризк-насибаларини келтиришга кодир эди. Бирок У Буюк Зот, хаёт зохирий сабабларга боглик эканлигини билдириб кўйиш учун, тугурукдан янги кутилган, унинг асаридан батамом фориг бўлиб улгурмаган Биби Марямга куриб коган бўлса хам хурмо дарахтини силкитишга фармон килди. Бу билан Аллох таоло Ўзининг кудрати ва муъжизасини намоёиш этган бўлса, иккинчи томондан, яшаш учун зохирий сабабларни асло унунмасликка ишорат этади. Демак, Аллохга таваккал килган кишининг зохирий сабабларни амалда кўлламоги хакикий маънодаги таваккалга асло зид эмас. Балки, зохирий сабаблар билан бирга килинган таваккалгина хакикий – тўғри таваккал ва Аллох таолонинг хаётдаги жорий конунидир.

Биз ушбу маънони Куръон оятлари ва пайгамбаримизнинг суннатларидан жуда кўп ўринда топишимиз мумкин. Келинг Анфол сурасидаги: *«...(Эй Мухаммад алайхиссалом, уларнинг юзига кўлингиздаги бир сиким тупрокни) отган пайтингизда, Сиз отмадингиз, балки Аллох отди...»*. (17-оят)ни ўкиб биргаликда тахлил килайлик: Жиходлардан бирида пайгамбар соллаллоху алайхи ва саллам кўлларига бир сиким тупрок олиб, уни кофирларнинг юзларига карата улоктириб, сепиб юборган эдилар. Ушбу тупрок зарралари кофирларнинг барчасининг кўзига кириб, бу хам галаба сабабларидан бири бўлган эди. Кўриб турибмизки: Аллох субханаху ва таоло Росулulloх соллаллоху алайхи ва салламдан мана шу сабабни яъни, кофирларнинг юзига бир сиким тупрокни улоктириб, сепиб юборишни ирода килди. Лекин хакикий нусрат бергувчи эса, У Аллох таоло Ўзи эди. Шунинг учун хам, Аллох таоло бир сиким тупрокни сиз отганингиз йўк, Мен отдим деб миннат килмокда. Росулulloх соллаллоху алайхи ва саллам эса, Аллохга хакикий таваккал килганларидан кейин, зохирий

сабаблардан бирини, албатта бу Аллох томонидан бўладиган нусратга сабабдир деган холис нийят билан кўлладилар, холос.

Хаж кунларининг бирида Умар ибн ал-Хаттоб розияллоху анху бир жамоа камбагалларни кўриб колди ва уларга сизлар кимсиз деб сўз котди. Улар биз "таваккалчилармиз" дедилар. Умар: ёлгон сўзладинглар, таваккалчи ерга донни сепиб кейин Аллохга таваккал килган кишидир, дедилар. Бу каби мисолларни жуда кўп келтириш мумкин, бироқ, бахсимиз киска бўлгани учун шуниси билан кифояланамиз.

• Таваккал ва бугунги кунимиз

Хозирги кунда биз мусулмонлар хакикий маънодаги таваккалдан анчагина йироклашган кўринамиз. Баъзиларимиз факатгина зохирий сабабларга каттик боғланиб олиб нажот ва нусратни моддий, зохирий сабаблардангина кутмоқдамиз, баъзиларимиз эса, таваккалнинг зохирий сабабларини асло кўлламай туриб хам, том маънодаги хакикий – тўғри таваккалга етиша оламиз деб ўйламоқдамиз. Моддийлик галаба килган хозирги кунимизда кўпчилигимиз ушбу моддий хаётга каттик берилиб кетганимиз боис, таваккал ва шу каби улуг маънолардан четда қолиб кетмоқдамиз.

Аллох таоло хаммаларимизни тўғри йўлга ўзи хидоят этсин! Сухбатимизни пайгамбар соллаллоху алайхи ва салламнинг таваккал хакидаги бир хадиси шарифлари билан якунламоқка қарор килдик:

((إِذَا خَرَجَ الرَّجُلُ مِنْ بَيْتِهِ فَقَالَ : بِسْمِ اللَّهِ ، تَوَكَّلْتُ عَلَى اللَّهِ ، لَا حَوْلَ وَلَا قُوَّةَ إِلَّا بِاللَّهِ ، قَالَ : يُقَالُ حِينَئِذٍ : هُدَيْتَ ، وَكُفَيْتَ ، وَوُقِيْتَ ، فَتَنَحَّى عَنْهُ الشَّيْطَانُ ، فَيَقُولُ لَهُ شَيْطَانٌ آخَرُ : كَيْفَ لَكَ بِرَجُلٍ قَدْ هُدِيَ ، وَكُفِيَ ، وَوُقِيَ ؟)) .

«Кимки, уйдан чиккан пайтда: "Бисмиллахи таваккалту алаллох ва ла хавла ва куввата иллаа биллах (маъноси: Аллохнинг номи билан (уйдан чикдим), Унга таваккал килдим, куч ва кудрат факатгина Аллохнинг ўзидандир) деб айтса", унга: "хидоятландинг, химояландинг ва кифояландинг яъни, кафолатландинг", — дейилади. Бас, буни эшитган Шайтон ундан узоклашади. Шунда иккинчи Шайтон унга айтади: "Батахкик хидоятланган, химояланган ва кафолатланган кишига сенинг учун кандай йўл бўлиши мумкин!"» (Яъни, уни сен кандай килиб адаштира олардинг, буни сира иложи йўк!) (Темизий ривоятлари)

Мана азиз ўқувчи ўзингиз кўриб турганингиздек, уйдан кўчага чиқаётган киши Аллохга таваккал килиб, унинг ўзигагина суянган холда чикса, у албатта Аллох таолонинг химоясида бўлиб, Шайтоннинг шарридан омонда бўлар экан. Аллох таоло

www.islamnuri.com

хаммаларимизни хакикий равишда Ўзига таваккал килмогимизга муваффақ айласин!

ИНТ

Мавзу [Ислом Нури](#) веб саҳифасида нашр қилинган